

Cynadleddau Rhyddhad UCM Cymru

Arweiniad i Ysgrifennu Cynigion 2017

Mae pob Ymgyrch Ryddhad yng Nghymru'n wleidyddol hunan-reolus ac maen nhw'n cynnal Cynhadledd bob blwyddyn. Y Gynhadledd yw'r corff llunio polisi ar gyfer pob Ymgyrch Ryddhad, ac mae cynrychiolwyr yn gosod cyfeiriad gwleidyddol ein gwaith ar gyfer y flwyddyn

Cynigion a Pholisi

Mae UCM Cymru'n wleidyddol hunan-reolus ac mae'n gyfrifol am lunio polisi ac ymgyrchu ar faterion sydd wedi'u datganoli i Gymru. Er mwyn cyflawni hyn, mae cynrychiolwyr yn trafod, yn dadlau ac yn pleidleisio ar gynigion yng Nghynadleddau Rhyddhad UCM Cymru. Mae'r rheiny a gaiff eu pasio'n dod yn bolisi UCM Cymru.

Beth yw cynnig?

Caiff cynigion eu trafod yng Nghynadleddau Rhyddhad UCM Cymru ac yna bydd cynrychiolwyr yn pleidleisio arnynt. Mae'r cynigion hynny sy'n cael eu pasio yn y Gynhadledd yn dod yn bolisi UCM Cymru, sy'n llunio ein gwaith ar gyfer y flwyddyn sydd i ddod.

Beth yw polisi?

Polisi yw syniad neu gynllun mae swyddogion UCM Cymru'n cael eu mandadu i weithio arno gan gynrychiolwyr i'r gynhadledd. Os caiff cynnig ei basio gan fwyafrif o bleidleisiau yng Nghynadleddau Rhyddhad UCM Cymru neu unrhyw ddigwyddiad democrataidd arall, yna daw'n bolisi UCM Cymru.

Mae pob polisi'n para am dair blynedd ar ôl ei basio mewn Cynhadledd. Ar ôl tair blynedd, bydd y polisi'n darfu, oni cheir pleidlais mewn cynhadledd ddiweddarach i'w adnewyddu.

Ysgrifennu Cynnig

Gall pob Aelod Cyfansoddiadol (Undebau Myfyrwyr/Pwyllgor Gwaith UCM Cymru) gyflwyno hyd at chwe chynnig i Gynadleddau Rhyddhad UCM Cymru. **Ni chaiff cynigion fod yn fwy na 400 gair.**

Bydd cynigion, fel arfer, yn perthyn i un o'r categorïau canlynol: Addysg, Lles, Cymdeithas a Dinasyddiaeth, Datblygiad Undebau neu Adolygu Rheolau. Er enghraifft, os oedd eich cynnig yn ymwneud â lloio Llywodraeth Cymru i ddiddymu ffioedd asiantaethau gosod eiddo, byddai'n perthyn i gategori Lles.

Cyn mynd ati i ysgrifennu cynnig, dylech wneud yn sicr eich bod yn eglur ynglŷn â'r mater rydych eisiau ei drafod, a sut rydych chi am weld y mater hwnnw'n cael ei ddatrys. Gofynnwch i chi eich hun, pwy ydych chi am ei dargedu, beth ydych chi am ei gyflawni a sut fydddech chi'n mynd ati i wneud hyn?

Mae polisi sy'n cael ei basio ym mhob un o Gynhadledd Rhyddhad UCM Cymru'n para am dair blynedd, felly mae'n werth gwirio os oes gan UCM Cymru bolisi ar y mater hwnnw eisoes cyn cyflwyno cynnig.

Sut olwg sydd ar gynnig?

Mae 4 rhan allweddol i gynnig, sy'n cyflwyno'n eglur eich dadl a'r datrysiad i'r mater sydd dan sylw.

Teitl: Fel arfer, disgrifiad ffeithiol o destun y cynnig yw'r teitl. Gwnewch yn sicr bod yn eich teitl yn fyr ac yn eglur ynglŷn â'r pwnc sydd dan sylw.

Cred y Gynhadledd: Y peth cyntaf ddylai cynnig ei wneud yw disgrifio'r sefyllfa. Dylai'r rhan hon o'r cynnig osod allan y dystiolaeth ffeithiol sydd wedi arwain at ysgrifennu'r cynnig.

Cred y Gynhadledd ymhellach: Pa gred neu egwyddorion sydd wrth wraidd y gweithredu rydych yn ei argymhell? Dylai'r rhan hon o'r cynnig restru'r egwyddorion sydd wedi arwain at ysgrifennu'r cynnig.

Penderfyna'r Gynhadledd: Dylai'r rhan hon o'r cynnig restru'r hyn rydych chi am weld UCM Cymru yn ei wneud os caiff eich cynnig ei basio. Gallai hyn fod unrhyw beth o ryddhau datganiad, lloïo Llywodraeth Cymru neu gynhyrchu deunyddiau ymgyrchu.

Gwelliannau

Ni ddylid defnyddio gwelliannau i hyrwyddo cynigion amgen, negyddu cynnig, na gweithredu fel dull arall o bleidleisio yn erbyn cynnig.

Cynigion Brys

Cynigion brys yw cynigion sydd ddim ar yr agenda. Ni chaniateir eu defnyddio ar gyfer cyflwyno hwyr, ond yn hytrach i gynrychioli materion sydd wedi dod i'r amlwg ar ôl y dyddiad cau ar gyfer cyflwyno cynigion, sydd ddim ar yr agenda ar gyfer y Gynhadledd.

Ni chaiff cynigion brys fod yn fwy na 300 gair, a rhaid eu cyflwyno erbyn 5pm ddydd Iau 4 Mai 2017.

Hintiau handi ar gyfer cyflwyno cynigion

Mae Cynhadledd UCM Cymru'n ddigwyddiad cyffrous, a dylai aelodau cyfansoddiadol fod yn gallu cyfranogi yn y drafodaeth. Felly, os ydych chi wedi cyflwyno sawl cynnig yn y gorffennol, neu os mai hwn yw eich tro cyntaf, dyma rai hintiau handi ar gyfer cyflwyno cynigion.

- **Darllenwch y polisi sy'n bodoli eisoes:** Mae'n bosib bod gan UCM Cymru bolisi eisoes ar y testun rydych chi am ei drafod.
- **Darparwch ffynonellau yn eich cynnig:** dylai cynnig da gynnwys cyfeirnodau, yn arbennig os ydych chi'n dyfynnu rhywun neu'n gwneud honiad amdanynt.
- **Pasiwch y cynnig drwy eich strwythurau democrataidd:** Peidiwch ag anghofio trafod y cynnig yng nghyngor y myfyrwyr neu mewn cyfarfod democrataidd arall cyn ei gyflwyno, fel arall ni chaiff ei dderbyn gan y Pwyllgor Gweithdrefnau Democrataidd.
- **Siaradwch ag undebau eraill:** Os ydych chi am gyflwyno polisi ar rywbeth a'ch bod yn gwybod bod undeb arall hefyd wedi bod yn gweithio ar yr un maes, cysylltwch â nhw i weld os gallwch chi gydweithio ar y cynnig rydych yn ei ysgrifennu. Caiff cynigion sy'n ymdrin â'r un maes ac sy'n mynegi'r un syniadau cyffredinol, eu cyfuno (h.y. cânt eu troi'n un cynnig).
- **Pleidlais flaenoriaethu:** Unwaith y cyhoeddir y cynigion, bydd pob cynrychiolydd sy'n mynychu'r Gynhadledd yn derbyn papur pleidlais flaenoriaethu, sy'n rhoi cyfle iddyn nhw bleidleisio ar y drefn y caiff y cynigion eu trafod yng Nghynhadledd UCM Cymru.

Y dyddiad cau ar gyfer cyflwyno cynigion i Gynadledau Rhyddhad UCM Cymru yw 5pm ddydd Gwener 21 Ebrill.